

finitimorum, et pro praesenti urgente necessitate postulantes non concluderent, potissimum vero, quum propugnaculum aut pars una Castri Kapronczensis omnino demolita et dirupta esse dicitur.

Nichilominus ad exhortationem Magnifici domini Lucae Zekell, generalis Capitanei suae Sacrae Caesareae Majestatis, iidem Status et Ordines laboratores et robora cum virgultis, in proxime praeterito Conuentu ipsorum ad munitionem Oppidi Kaproncza, et similiter Ivanych et Hrasthowicza deputatos, qui eos usque in praesentem terminum non administrauerunt, per omnia oportuna remedia ac solita Birsagia, usque decimum quintum diem administrandos esse decreuerunt. Et qui in Comitatu Varasdinensi ex processibus Cristophori Palfj et Georgii Madaraz Judlium eiusdem Comitatus Varasdiensis ad fortificationem dicti Oppidi Kaproncza robora non praestiterunt, tales omnes usque ad decimum quintum diem a data praesentium iuxta proxime praeteritae dietae conclusionem, robora longitudinis non duodecim sed quatuordecim cubitorum ad restaurationem dicti Castri Kaproncze, una cum laboratoribus praestare commissis, administrare debeant. Quia autem nonnulli ex dictis Statibus et Ordinibus forent, qui robora ad munitionem Ciuitatum et fortalitorum suae Sacrae Maiestatis necessaria in eorum Syluis succidi prohiberent et non admitterent:

Iidem Status et Ordines juxta Conclusiones et Conuentus Posenienses Anni Millesimi Quingentesimi Sexagesimi terciij, tempore videlicet felicissimae Coronationis suae Sacrae Maiestatis, conclusos, nunc quoque decernunt, ut huiusmodi robora, non tantum ex nuius vel alterius, sed in cunctorum dominorum Magnatum et Nobilium Syluis circumvicinis, ad fortificationem et munitionem dictarum Ciuitatum et Castrorum necessariam, succidere possint atque valeant.

Iidem Status et Ordines fideles suae Sacrae Maiestatis subditissimi intellexerunt, quemdam insignem et satis expertum Militarem virum Thomam Klarych dictum, per Spectabilem et Magnificum Dominum Comitem Franciscum Zlwny Banum, ad Mandatum suae Sacrae Maiestatis, pro nonnullis delictis et excessibus in partibus maritimis, ut dicitur, esse captivatum. Quum autem dictus Thomas Klarych, in Confiniis suae Sacrae Maiestatis, in Castro et Ciuitate finitima Hrazthowycza commorans, inter ceteros milites non sit, quam infimae Conditionis, ac quasi primus inter illos milites esse reputatur, iidem Status et Ordines supplicant suae Sacrae Maiestati, domino eorum Clementissimo, dignetur ex sua pietate paterna et Regali Munificentia, qua erga suos fideles se extendere dignata est, prefatum Thomam Klarych, apud prefatum dominum Banum captum, gratiose eliberatum reddere, ut et ipse miserimae huic patriae inter caeteros milites suae Sacrae Caesareae Maiestati fidelia sua Seruitia prestare valeat.

Quum autem domini et Nobiles, Statusque et Ordines praescripti, non sine maxima animi grauitate et dolore Sacrae Caesareae et Regietati humillime conueruntur, Qualiter Tricesimatores suae Sacrae Maiestatis in hoc Regno Sclauoniae Constituti, contra apertissimas libertates dictorum Statuum et Ordinum, de rebus ad domos et familiam propriam illorum, gratia quotidianae necessitatis, in nundinis et foris emptis vel venditis, insolitas et prius inauditas Tricesimas extorquere non cessant: Status et Ordines praescripti Sacrae Caesareae et Regietati, domino illorum clementissimo, suplicant humillime, dignetur sua Sacra Majestas, habita ratione libertatis fidelium suorum, huiusmodi insolitas Exactiones Tricesimarum abrogatas committere gratiose.